



2b. 15



79
RECTOR

ACADEMIÆ FRANCOFURTANÆ

DAVID ORIGANUS

UTRIUSQUE MATHEMATICÆ

PROFESSOR PUBL.

AD JUSTA FUNEBRIA

QUÆ

HERONI

PIETATIS, PRUDENTIÆ, ET INTEGRITATIS

Laude Illustri

Viro MAXIMO

DN. HARTVICO DE STITTEN,

in Pomerſvitz, Rößnitz, Windorff, & Steubervitz, &c.

Illustris; Principum Marchionum Brandenburgensium, &c. Conſiliario intimiori,

Ducatus Carnoviæ Provinciali Præfecto &c.

Anno { M. D. LXIII.

V.

Non. Jul. Nato

M. DC. XXI.

XI.

KAL. JAN. DENATO

M. DC. XXII.

PRID.

KAL. FEB. Tumulando

MATRONA

NOBILISSIMA ET HONESTISSIMA

DN. MAGDALENA STITTENIA,

nata Ashelmia de Goltschmieden, Hæreditaria in Pom-

merſvitz, Rößnitz, VVindorff, & Steubervitz.

Nec Non,

MAGNIFICUS NOBILISSIMUS

Vir

DN. REINHARDUS DE KYCKBUSCH

in Heinsdorff & Goldschmieden, Illustrissimi Principis

Lichtenſtein, Ducis Oppaviensis, &c. Conſiliarius, &c.

Ille; MARITO DESIDERATISSIMO

Ille; Adſini Ampliſſimo

Ex ædibus PAROCHIAL. Templi Cathedralis

JUSTE exſoluenda locarunt

Omnes ſuæ Jurisdictioni ſubjectos amicè

& peramanter invitat.

Literis FRIDERICI HARTMANNI.

M. BASILIUS
AD
MODESTVM PRÆFECTVM
Apud
GREGORIUM NAZIANZEN,
Orat. XXX. in laudem Basil.

Non exilium, inquit, ullū agnosco, qui nullo loco circumscriptus sum, ac neq; terram hanc, quam nunc incolo meam habeo, & eam omnem in quam projectus fuero, pro mea duco: Immo ut rectius loquar, universam Terram Dei esse scio, cuius advena ego sum & peregrinus!

P. C. C. A.



Vum universa JUSTI seu Vita seu conversatio, non sit nisi (a) *Taeda* contempta ad cogitationem Tranquilli: quemadmodum Hiob loquitur, ille secundus collegii triumviralis justorum: Tum verò tota in hoc mundo Sanctorum PERGRINATIO, nihil est nisi Mundi immundi perpetuum SCANDALUM

a) Job. XII. com. V.

et OFFENSIO. Nam ut facile, si sensum, ut cerebrò, si consuetudinem, ut periculosè si gravitatem erroris spectes, in hunc lapidem impingant, quorum vel mentem connata cæcitas, vel voluntatem malitiosa perversitas, vel corda Sathanas, *Seminator Scandalorum* et auctor excæcavit: nò solum hodieque Empaictarum *χλευάσματα*: sed de incognitis quoque sententiam temerè ferentium *προνεήματα* docent. *χλευάσματα*; siquidem non credunt, *Judicium Domini* (b) *incipere à Domo Dei*. *προνεήματα* autem; quoniam non auscultant illud, *Ne ante tempus* (c) *quicquam Judicate*. Quocirca neque diem Dei humano die antevertere, neque *judicium Domini* *prajudicio* suo prævenire: neque *cordium manifestationem*, sua temeritate antecedere verentur: nolentes de tabula recitari humana invidia, quos, ut monuit Augustinus, *de libro viventium* non delet iniqua conscientia.

b) I. Petr. IV. com. XVII.
c) I. Cor. IV. com. V.

Aug. Ep. 139

Et sanè;

Quidam ubi cernunt cernui calamitosam Fidelium PERGRINATIONEM, suspicantur hæreticam in FIDE pravitatem: Et tanquam cum Saulis parasito, (e) Davidi; cum Idumæis, filiis Jacobi: cum Babylonii, Israeli; cum Antiocho, fœderis custodib., insultantes interrogant, UBI NUNC DEUS VESTER?

e) Ps. XLII. co. IV. XI. Psal. CXV. com. II. Joel. II. com. XVII. Malach. II. com. XVII.



a) Job. IV. V
VIII. XX.
Et c. XXXV
com. XIII.

b) Act. cor.
XXVII. cō.
XLII.

c) Act. cor.
XXVIII.
IV.

Chrysof. in
cap. Genes.
XLVII. Ho-
mil. LXVI.

a) Exod.
XXIII. com
IX.

Alij, quibus solum natale *Plantario*, Exilium *Extir-*
pationi comparatur, ubi sentiunt animo, violentam Pio-
rum è loco in seffo ejectionem: tanquam hypocriti-
cam in *VITA* improbitatem inde colligere possint, ita
cum Jobi amicis Eliphazo, Bildado, Zopharo (a) con-
cludunt singulis orationibus, *JOBUM aut maleficientissime*
vixisse, aut egisse hypocritam coram Deo. Nonnulli v. mun-
danorum amatores, mundicives, ubi rectos corde ac-
ceperint extra solum velut exilire, illico à *TENTATIO-*
NE ad *CAUSAM MALAM*, à *calamitate* ad *conscientiam* ar-
gutantur; conjecturis secum putantes, quod *Milites* in
naufragio, (b) jam causam esse judicatam: aut quod *Bar-*
bari de Apostolo, (c) in forib. esse ultoris pœnam. Quod
si præterea *MORI* in peregrinatione contingat: tum ve-
rò omnes demum sanis cogitationibus excidere, o-
mnes occultis convitiis, aut confictis criminibus, aut
apertis contumeliis, sanguinem honoris fundere; o-
mnes denique exclamare, Hoc, Hoc *ταλαισμός αξιον:*
Hoc illud *κυνός αλιμότερον πλεοντάν!* quemadmodum ex il-
lusorum hominum dicteriis *Chrysofostomus* has voculas
olim repetitas literis illigavit. Equidem nolo heic ab-
ire longius à Patriâ, nec *ἄπικερόμησον* scommata jaculan-
tium, nec *ἀξενίαν* nudos non vestientium: nec *ἀχαριστίαν*
vesticos spoliantium: nec *μισανθρωπίαν* peregrinos fasti-
dientium: non in tectum inducere, non in angulo lectu-
lulum parare, nō tunicam commodare, non *molestiam*
abstinere, contra interdictum Jehovæ: (a) sed *animas ad-*
venarum prorsus nescire volentium, dicam. Ex quo e-
nim anno superiore Evangelium Gallia, fidem Bohe-
mia, pietatem Moravia, Lusatia integritatem, Helve-
tia libertatem, aliæque provinciæ & Regna Orthodo-
xiam tantum non aspernata, in Daniam, in Sveciam,
in Hollandiam Dei Sanctos peregrinatū misere: quis
non!

non scandalorum acceptorum segetem prodigiosam in agro, non dicam alieno, sed nostro provenire vidit? Quis, Deo suos cribrante, & aream Ecclesiae à paleis purgante, in omnibus Christi peregrinis, quod monuit Augustinus, Christum excipi credidit? Quis praefestina praedicia fratrum, otiosas fabulas, mordaces jocos, detractiones venenatas, *posita* ag, in caelum ora, non audivit? Unde si eadem *χλευάσματα*, si *ωρεήματα* eadem sensit HEROS dum in mundo viveret, *Pietatis, Prudentia, Integritatis Lumen*: nunc, dum in caelo agit, *Constantiae exemplum*, Vir Nobilissimus DN. HARTVICUS de STITTEN in Pommerivvitz, Rösnitz, VVindorff, & Steubervvitz, Illustriss. Princip. Marchion. Brandenburg. Consiliarius, Ducatus Carnoviensis Praefectus provincialis, &c. nulli videri mirum aut debet aut potest: Siquidem piorum communis sit afflictio, quae fuit olim Jobi confessio, *ὁ δίκαιος ἀνὴρ ἔα μὲν πῶτος ἐζητήθη εἰς χλευάσμα*, uti eam Seniores LXX. suam linguam reddidere. Et David: *Persequuntur*, inquit, (d) quos tu percussisti: & secundum dolorem confessorum tuorum narrationes contexunt. Quanquam autem nullum est Exilium Christiano, ut de se sentiebat Basilus: (e) nec Scandalorum, hoc est impiorum scandala magno opere extimescenda probo; Sive enim spectetur MUNDUS; nonne Christi discipuli futuri sunt Judices (f) mundi? Sive Temeritas Judicii; nonne Judicium temerarium (g) magis nocet judicanti, quam judicato? Sive causa Justa; Nonne neque causa causa, neque persona persona, ut iterum Augustinus, (h) praedjudicat? Nec fides eventu, aut vita successu, aut causa casu aestimanda venit? Tandemque Temeritas, quae quis punit alium, eadem ipsa punit punientem Interest tamen Ecclesiae tranquillitatis, Justorum Solatii, & Victoriae, justos adversus luctam carnis & Spiritus in hoc Mundi scandalo praemuniri.

Aug. Serm.
LXII. de
Temper.

Job. XII.
com. IV.
d) Ps. LXIX
cō. XXVII.
e) Apud Na
zianz. Orat
XXX. in
laudem.
Basil. pag.
D VIII.
f) I. Cor. VI.
com. II.
g) Aug. Epist
CXXXVII.
h) Aug. Ep.
CCIV.
Id. de Serm.
Dom. in
monte I. II.

Pf. LXXIII.
com. XIII.
& XIV.

l) Job. XXI.
com. VII. &
IX. & c.

m) Jerem.
XII. com. I.

n) Habac. I.
com. XIII.

o) Lament.
Jerem. II.
com. XV.

XVI.
Pf. LXXIX.

com. IV. Et
XXXVIII.

Et XLIV.
com. V. XVI

XVII.
Et XLI.

com. VI.

a) Pf. XLI.
com. II.

Bellarminus
Tom. I. lib.
IV. de Eccles.
cap. III. IV.
& c.

muniri. Nunc enim caro cum Davide se affectam pla-
ga cogitat, & (k) castigatione singulis matutinis imminente.
Nunc cum Jobo computat, (l) ut improbi vivant, vetera-
scant, viribus valeant: ut pax sit domibus eorum, neq; virgâ Deus
instet eis? Nunc cum Jeremia & Habacuc (m) etiam coram
Deo judicio contendit: Cur via improborum succedat? cur
tranquilli sint, quicumq; agunt perfide? cur Deus surdum agat, (n)
dum absorbet improbus justiore se: Faciens homines velut pisces
maris? ut reptile, cui non est dominator? Itaque ut sæpe inge-
miscit secum & lamentatur in Tentatione: Sic exæstuans
(o) in peregrinatione manus innocentes frustra haberi
conqueritur: actandem exclamans, Quousque DO-
MINE? opprobria vicinorum, ludibria circumstantium,
modulationem hostium, conclamantium; Quando
moriatur & perierit nomen ejus? Et fata in eremo, sol-
licitè deprecatur. Non ergo alienum erit, neque ab
instituto ad quod vocamur, neque à tempore in quod
incidimus, si prodituri in FUNUS OLIM Peregrini in ter-
ris, nunc Indigenæ in cœlis, tã CAUSAM PEREGRINATIO-
NIS piorum, quàm MORTIS in peregrinatione medite-
mur: cum ut deprehensis mendaciis, quæ *ψυχήν ἀνθρώπων*
imponunt, Justis sua ferre non damna, sed lucra æqui-
us: Et spectatores Justorum, Regiâ exhortatione mo-
niti, (a) ad Egenum, quod est Beatorum, attendere lubentius, oc-
clusis stultorum oris, consuefiant. Quoties verò cau-
sas cum Peregrinationis, tum Mortis piorum in Peregrina-
tione indagine quæro: toties mirari non possum, quid
venerit in Mentem Bellarmino, illi contra Regulam
Blasphemæ Societatis Monachorum Cardini: ut TEM-
PORALEM FELICITATEM inter notas Catholice Eccle-
siæ, veras, proprias, notiores, intimasque referret.

Quasi

Quasi quę militat Ecclesia in terris, nūquā ἀπολις aut ex
 torris, nunquā exterris, ut cum Isidoro loquar, esse aut
 possit, aut debeat. Atqui *sive* caput Ecclesię, Christum:
sive corpus Christi mysticum, Ecclesiam: *sive* membra
 corporis vera vivaque consideremus: tam falsum est
 unā in terrā patriā Ecclesiam semper agere: quā est
 ineptum Militantem in terris, Triumphantem in cę-
 lis eodem tempore cogitare. Christus profugus ē
 Bethlehemo, (a) fit hospes in Ægypto, vix exacto bi-
 ennio. Ecclesia *avolat à facie serpentis in desertū, ut recipiat*
se (b) *in locum suum*. Unde non tantum *columna* sustinen-
 ti (c): & *Candelabro stanti* (d) & *firmamento manenti*:
 Sed & *nubi fugienti*, & *columba ad suas fenestras prope-*
ranti (e) Et *turturigenenti in cavernis petrarum* (f) &
mulieri alata (g): denique singulorum piorum animę,
Avicula avolanti (h) & *perdici* (i) in montibus, à Davide
 comparantur. Nisi ergo asseveratione in tempestivā
 affirmes, *Casu pios Exilio premi: aut qui Tragicis malis labo-*
rant, omnes PECCATORES esse: aut piis mala malè, bona solum,
bene cedere: aut Tantum ei bene esse, cui secundum carnem bene
est, non juxta spiritum: aut hoc inter pios & impios interesse,
ut illi arumnosi sint, hi florente felicitate seculi gaudeant: aut
Pietatem in his terris, extra Scholam crucis exercendam: aut de-
riquo, Eandem piorum sortem in Ecclesiā militantium esse de-
bere, quę olim erit Triumphantium: nisi inquam unum ex
his septem ψευδογγοφήμασι asseras: nunquam Bellarmi-
 ni sententiam tueri: nunquam peregrinos esse SAN-
 ctos in hoc mundo, quod fatetur Psalmographus (a),
 negare potueris: cujus argumenti, quod Moyse ajec-
 bat, (b) *Inimici nostri Judices esse possunt.*

Quę causa est igitur inquis tantorum casuum?
 Immo

a) Matth. II
 com. XIII.
 XIV.

Ose. XI. co. I
 b) Ap. XII.
 com. XIV.

c) I. Tim.
 III. co. XV.

d) Apoc. I.
 com. XX.

e) Esa. LX.
 com. VIII.

f) Ps. 84. c.
 IV. Cant. I.

v. 12.

g) Apoc. XII
 com. XIV.

h) Psal. XI.
 com. I.

i) I. Sam.
 XXVI. c.
 XX.

a) Ps. xxxiii.
 com. XIII.

b) Deuter.
 XXXII. co.

XXXI.

e) Rom. 8.
com. 29.

a) Beda in
comm. ad
cap. 11. Mat

b) Luc. 9.
com. 58.

Nazianz.
Orat. 43.

d) Esdr. 7.
com. 25.

Aug. Ps. 36

f) 1. Cor. 11.
com. 32.

g) 1. Pet. 11.
com. 1.

Immo non casuum, sed consiliorum Dei: nisi prima ~~ne~~
Sancti peregrini CHRISTO suo capiti, quod scripsit Aposto-
lus, (c) in peregrinatione conformentur. Solo excessit
Judææ Christus, & de nocte excessit, matre Maria, tu-
tore Josepho comitatus, cum pueri quæreret animā in
Bethlehem Tyrannus. Atqui, si (a) Beda fides est, Maria
Ecclesiæ, Josephus Fidelium, Ægyptus mundi, Hero-
des odii mundani, Nox ignorantiae ejicientium Chri-
stum, est imago. Nequaquam igitur offensam animi ca-
piamus ex hoc Domini consilio: si quæ in capite, non
habente ubi caput (b) reclinet, præcessit dispensatio: eadem
sequatur cōditio in membris, ut pro voluntate capitis
patria excludatur & tecto. Pro peregrino n. Christus peregre
egit, inquit Nazianzenus: *Et quasi alienus ad propria venit,*
ut peregrinum ornaret atq; illustraret. Altera causa ea est ut
reliquiæ peccati inhabitantis in carne sanctorum, ex-
purgentur hoc modo per stimulū Exiliorum. Quæ caus-
sa fecit, ut Exilium (c) *παίδειας* a LXX senioribus vocami-
ne vocaretur. Ut enim verò *Peregrinationis nostræ in mundo*
causa peccatum: ita reversionis munus est remissio peccatorum,
ait Augustinus. Quocirca si quando dijudicamur im-
posita sarcina peregrinationis, à Domino *παίδευόμεθα*
(erudimur) ne cum hoc mundo (f) damnemur. Nam ju-
bemur, ut quod Petrus (g) orabat, tanquam adventæ
& peregrini nos à carnalibus desideriis abstinemus.
Tertia causa est, ut suspirantes à civitate seculi ad civi-
tatem cœlestis paradysi, non tam per seculorum volu-
mina curramus in finem, quàm hospites nos esse, mēte
ab honore, animo à voluptate, spiritu ab imperio & di-
vitiis abducto, cum Patribus patriam quærentib. agno-
scamus. Quid est mūdus in oculis piorū, nisi *ξένων οἰκία*
Hospitum

Hospitii domus? Quis Abraham, Isaac, Jacob: nisi ξένοι.
 Quis Moyles, & David, nisi παροδῆμοι. (a) Nec injuria
 igitur, tã ille quã isti, uti se inquilinos (b) prædicarunt,
 ita, ut decet peregrinos, Patriam suspiriis quæsiuerunt.
 Peregrinus, inquit Bernhardus, *via regiã incêdit, non decli-
 nat ad dexteram, neq; ad sinistram. Si fortè jurgantes viderit
 non attendit. Si nubentes, aut choros ducentes, aut aliud quodli-
 bet facientes, nihilominus transit: quia peregrinus est, & non
 pertinet ad eum de talibus. Ad patriam suspirat, ad patriam ten-
 dit, vestitum & victum habens, non vult alijs onerari. Beatus
 plane, qui suum sic agnoscit, sic deplorat incolatum, dicens Domi-
 no; Quoniam ad vena ego sum apud te, & PEREGRINUS, si-
 cut omnes PATRES mei. Immò Lætas in Domino: Qui
 obliciscitur populum suum, & domum Patris sui.*

a) Heb. XI.

com. XIII.

b) Ps. 39. c. 13.

Bern. in
 quadrages.
 serm. VII.

Vide

Chrysostr.

Hom. 4. de
 Anna.

Postema vero & hæc inter causas censerit debet,
 ut Peregrinatione Fidelium plantetur Ecclesia per or-
 bem Terrarum. Enim vero planè est ita, ut scripsit
 Chrysostronus, Justorum cõversatio & Vita, est totius
 Philosophiæ summa. Mittitur n. Josephus in Ægyptũ
 ut Seniores informet. (a) Abducitur Daniel in Babylo-
 nem, ut Ecclesiam inter Gentes seminet; Peregrinatur
 Paulus, ut Evangelij sono omnia usq; ad Illyricũ loca
 repleat: pios sermone, exemplo, constantia, erigat:
 hostes confundat: fideles de Viatico sibi comparan-
 do instruat: deniq; mortem ipsam non exhorrescere
 doceat, quæ meta peregrinationis, portus jactatio-
 nis, Janua patriæ, & via est ad vitam.

a) Psal. CV.
 com. XXII.

Quæ cum omnino ita se habeant, nihil est profecto, nihil est,
 cur pios *πικρὰ* illa *εἴματα* fatigent: *Quasi sit mori in peregrinatione
 miserum.* quin potius *πικρὰ* illa cum Chrysostrono deputamus inter
ψυχρὰ ῥήματα, γέλωτ & γέμοντα, καὶ ἀνοίας μετὰ, frigida, ridicula
 & insipientiæ plena. Neq; n. is dignus est ut miser dicatur, inquit ille

Chrysostr. in
 cap. 47.
 Genes. Hom.

B

qui

66.

a) Psalm 53.
com. 22.
b) Psal. 115.
com. 5.
c) Heb. 11.
com. 16.

qui in Solo alieno aut solitudine vitam finit: sed qui in peccatis mortuus etiam si super lectū, etiam si presentibus amicis omnibus spiritum est, exhalet. Nam ut *malorum mors mala est.* (a) Sic mors *Bonorum semper in conspectu Domini pretiosa.* (b) Nisi quis forte velit Abrahamum centum, Isaacum centum & octoginta, Jacobum centum & quadraginta septem annorum peregrinos, in morte *Miseros* vocare: à quibus tamen Deus, cognominari non erubescit. (c) Ergo habemus & tenemus causam in medio positam, Ecce Deus, qui Peregrinorum Deus & Humilium consolator est, Magnificum ac verè Nobilem Virum, Dn. Dn. HAREVVICUM de STITTEN Peregrinationis magisterio conformare Christo, in fide ornare, in vita exercere tandemque beare voluit! Cujus certè totum vitæ curriculum, si *officiū* spectes, CONSILIARIUM PII, PRUDENTIS, INTEGRUM *exemplum* fuit. Sin autem *Statum*, etiam *Christiani, orthodoxi, Peregrini Lumen.* Quid enim verò? Nonne (si exordia recenseras) *ἡ μανὰ ἐπίτης* Anno M. D. LXIII. VII. Jul. parente utroque, cum propriæ virtutis, tum generis & gentis, antiqua avorum, proavorum, atavorum, paterna maternaque linea ascendentium, coram Illustriss. ac Celsiss. Principe, Dn. JOHANNE ADOLPHO, Duce Megalopolitano, &c. indubitatis exemplis illustratorum laude Nobilissimo, in Holsatiâ, natus: Anno, pueritiæ finitore, VIII. Lubecano mercatui literario donatus: Anno XV. post comparatam Sapientiæ primam supellectilem, redux in patriam factus: domi ad Monitoris privati lucernam formatus: statim exacto inter ora parentum quadriennio, ad nostras Athenas Marchicas Anno M. D. LXXXI. missus, prima Peregrinationis Tyrociniâ dedit? In quibus talem sese gessit cum admiratione Bonorum, ut industriæ in Philosophiâ, sobrietatis in Virtutem, modestiæ in Fortunam, observantiæ in Doctores, gratitudinis in Præceptorem, verecundiæ denique laudem in Seipsum multis coætaneis præriperet: Luce autem Pietatis etiam majoribus non paucis præstaret. Cujus gloriæ, uti tum temporis comitem, & in Palæstra bonæ mentis commilitonem: ita nunc Testem integrum, Virum Integerrimum, antiquæ Fidei & Virtutis D. Doctorem Casparum Dornavium, Medicorum, Oratorum, Historicorum & Politicorum ocellum reliquit. Nonne (si *profectum* repetas) idem Francofurti discedens, Academiis cæteris per Germaniam perlustratis, in omnibus, Heroem ostendentibus, tam militaris & Equestris, quam civilis peritiæ

peritiæ. ascereriis ea incrementa fecit: ut Anno M. D. XCII. in aulicorum Illustriss. ac Celsiss. Principis D. JOACHIMI FRIDERICI Marchionis Brandenburg. &c. collegium, cooptatus: mox Celsitudinis illius Filio, Princip. Illustriss. JOHANNI GEORGIO, Administratori, id temporis, Episcopatus Argentinenfis, exterarum provinciarum & regna adeunti, loco Consiliarii Secretioris atque Ephori adungeretur. In qua sparta ornanda ita quoque deinceps sudavit, ut paucis licet manibus auxiliatricibus usus, Res tamen Episcopatum attinentes sic moderaretur, ut citra S. Romani Imperii & ordinum Protestantium præjudicium, nec minore cum gratia sui Principis, paginam faceret utramque. Tandem Marchiam quoque cum Principe ingressus, non solum abs Sereniss. Electore inter Consiliarios allegitur: sed & bis legati partes, bis oratoris ad Sereniss. Regem Poloniae & status Regni, non sine publicæ acclamatione tuetur. Quin (si *animum* consideres) nonne Virtus in peregrinatione mundana illustrior, tantum in eo valuit, ut Anno M. DC. IX. ab Illustriss. Principe JOHANNI GEORGIO, Marchione Brandenburg. Illustribus ordinibus Ducatus Carnoviae Præfectus Provincialis nominaretur? ut nunquam in hoc munere Virum deesse Ecclesiis, Scholis, Rebus pub. pateretur: nunquam sine merito publico, de Principibus Illustriss. Silesiæ, deq; tota Silesia & fœderatis populis convicinis, rediret. Donec eundem illustribus legationibus apud Imperatorem Rodolphum Pragæ; apud Matthiam in Castris Pragensibus, Eburii, Zuoymi, Aureliani, Viennæ harentem: apud Illustr. status Boemiæ. apud Illustriss. Ducem Wirtebergensem; apud Sereniss. Electorem Regio monti Borufforum agentem: apud Regem & Reginam Daniæ, ne nunc reliquas commemorem, defunctum, in arce PEREGRINANTIUM & RECTE AGENTIUM collocaret.

Nimirum ita omnis quidem mundus PHILOSOPHANTIBUS exilium est: ait Hugo: At magnum tamen Virtutis principium est, ut discat paulatim exercitatus animus visibilia hæc & transitoria primum commutare, ut post modum possit etiam derelinquere. Delicatus ille est adhuc, cui PATRIA dulcis est. Fortis a. jam, cui omne Solum patria est. Perfectus vero, cui mundus totus exilium est. Ille mundo amorem fixit: Ille sparsit: Hic extinxit. His ergo incrementis animus ille profecit SENATOR: his seipsum in Virtute, ubiq; Co-

Hugo lib. 3^o
Erudit. di-
daso. cap.
20.

mite, firmavit: His etiam sub matrimonio, anno MDCX cum No-
 bilissima Castissimaq; Viragine MAGDALENA, nata Ashelmia de
 Goldschmiden, nunc viduâ suo conjugè Luctuosa, inito; & huc usq;
 utur prolis experte, pacis tamen compote, lætissimo contubernio in
 timore Dei, servavit. Donec tandem, Rege Patriæ nostræ CHRISTO
 JESU, suo peregrino de patria providente, Francofurtum attingens:
 & illic morbi in expubnabili intemperie, hinc Medicorū fide luctante;
 illic uxoris sedulitate: hinc κακῆξία superante, recurrentibus sæpe
 dolorib. Colicis, per Christum in Christo, annos natus LVIII, XXII.
 Decembr. Anni superioris, ad stante Dei internuntio Rev. Dnn. Chri-
 stophoro Pelargo, fidei peregrinationem in vitæ possessionē beatissi-
 me finivit. Ecce ergo, ô HOMO, ut sit vita Christianorum jugis
 peregrinatio; Respice ut mundi non terrigenæ, sed alienigenæ olim
 peregrini, nunc Dei domestici à fide in adsp̄ctum desinentes, pere-
 grinatione non consumantur, sed consummentur, non perdantur,
 sed purgentur, non evertantur, sed beentur. Vestrum erit P. C.
 C. A. qui ut municipes cœlorum vos geritis, qui è cœlis opificem ci-
 vilitatis æternæ expectatis, qui in superna Hierosolyma πολιτευμα
 quæritis, socios tam vitæ, quàm patriæ fideles ornare: Reip. & Eccle-
 siæ tanto virtutis exemplo orbatae condolere: viduæ Nobiliss. & pien-
 tissimæ, familiæ amplissimæ, pro meritis defuncti in Ecclesiam, offi-
 ciis in Rempub. ornamentis in Academiam nostram, honorifica & so-
 lemni funeris deductione, cordolia in parte levare: atq; exilium mun-
 di Christianis putare gloriosum. Interea novistis illud: Etiam beatis
 accenseri eum, *in cuius oculis contemptus est reprobis: in cuius
 animo honoratus est Dei* TIMENS.
 Rectè valete.

Aug. in Ps.
 118.

Ps. 15. 6. 6.

VV. C. D.

Ja 666



ULB Halle 3
002 177 021



A white rectangular library label with a barcode and identification numbers.

5b-700

Von 7

MC







B.I.G.

Farbkarte #13

Blue Cyan Green Yellow Red Magenta White 3/Color Black

TOR
 ANCOFURTANÆ
RIGANUS
 A THEMATICÆ
 OR PUBL.
 FUNEBRIA
 UÆ
 RON
 Æ, ET INTEGRITATIS
 Illustri
 AXIMO
O DE STITTEN
 ndorff, & Steubervvitz, &c.
 leburgensium, &c. Consiliario intimiori,
 vinciuali Præfecto &c.
 Non. Jul. Nato
 KAL. JAN. DENATO
 ID. KAL. FEB. Tumulando
 ONA
 HONESTISSIMA
NA STITTENIA,
 eden, Hæreditaria in Pom-
 indorff, & Steubervvitz.
 Non.
 NOBILISSIMUS
DE KYCKBUSCH
 eden, Illustrissimi Principis
 iensis, &c. Consiliarius, &c.
 IDERATISSIMO
 Amplissimo
 L. Templi Cathedralis
 nda locarunt
 oni subjectos amicè
 er invitat.
 HARTMANNI.

79

Inches
Centimetres